



# COMUNE DE PÀDRIA

(Provintzia de Tàtari)

## SA DE XXIII EDITZIONES DE SU PRÈMIU LITERÀRIU GURULIS VETUS

### BANDU PÙBLICU ANNU 2025

#### *“SA POESIA PRO SU CANTU”*

*In s’ammentu de Gavinu De Lunas*

Su Comune de Pàdria organizat sa de XXIII editziones de su Prèmiu Literàriu Gurulis Vetus, dedicadu a su poeta de Pàdria Gavinu De Lunas, e pregonat in relata custu

### REGULAMENTU

1. Su Cuncursu est abertu a totu sas òperas chi non sunt istadas mai publicadas, presentadas o premiadas in àteros cuncursos, iscritas in totu sas variedades de sa limba sarda.
2. Sas òperas, iscritas a màchina e presentadas **in chimbe còpias**, s’ant a dèvere distinghere cun unu nùmene inventadu o unu dìciu.
3. Nùmene, sambenadu, nùmene inventadu, indiritzu e nùmeru de telèfono de s’autore ant a dèvere èssere postos in una busta sigillada. In sa seguna busta b’at a dèvere èssere s’òpera e sa prima busta e at a dèvere èssere imbiada a sa Segretèria Organizativa de su Prèmiu, a su Comune de Pàdria, intro e no a fora de su **21/06/2025**
4. **Su Cuncursu previdit una Setzione ùnica: SA POESIA PRO SU CANTU**, dedicata a su Cantadore de Pàdria **GAVINU DE LUNAS**.
5. Onni cuncurrente podet imbiare non piusu de duos cumponentos. Su tema est liberu, o ùnicu pro totu s’òpera o diferente pro onni istrofa singola, s’istutura poètica e mètrica de sa cale siant cunformes a sa pràtica esecutiva de sos Cantadores a chiterra.
6. Sos Mutos ant a pòdere àere unu mutu ùnicu perlongadu.
7. Si racumandat de s’atènnere a sas indicatziones chi sighint:

Cantu in Re	Finas a 6 otavas
-------------	------------------

Nuoresa	Finas a 10 cuartinas
Mutos	Finas a 8 sestinas o mutu perlongadu
Filonzana	Finas a 6 otavas
Mi e La, Fa Diesis e Si Bemolle	Finas a 8 sestinas
Disisperada	Finas a 6 otavas
Ninnidos, Duruduru, Atitidos	A su màssimu 40 versos

### AVERTÈNTZIAS

Est agradada sa tradutzione in limba italiana e est oportuna s'ispiegatzione de paràulas o particulares chi oramai non s'impitant piuis (glossàriu).

Sas òperas presentadas, premiadas o nono, non sunt vinculadas dae perunu deretu de autore e restant de proprietade de su Comune chi las at a pòdere impitare pro cale si siat iscopu culturale.

Sas òperas presentadas ant a èssere valutadas dae una Giùria apòsita, nominada dae su Comune, su giudìtziu de sa cale est ùnicu e non si podet in duda.

### PREMIATZIONE

Sa Premiatzione est previdida pro sa die 23/08/2025, in Pàdria, in oràriu e logu de detzìdere.

Sos prèmios ant a èssere dados a sos primos tres classificados a sa manera chi s'ghit:

1° Prèmiu	€. 500,00
2° Prèmiu	€. 300,00
3° Prèmiu	€. 200,00
Rembursu ispesas pro mentovos	€. 200,00

Sa Giuria si riservat sa facultade de dare àteros prèmios/reconnoschimentos a sos autores mentovados e sinnalados.

Sa Giuria, in casu de ausèntzia de sos cuncurrentes premiados durante sa tzerimònia, si riservat de tratènnere su prèmiu e de protzèdere, in fatu, a sa cunsigna de s'atestadu de partetzipatzione.

Sos prèmios chi non si ritirant restant de proprietade de su Comune.

**Sas òperas divent èssere imbiadas a: Segreteria Organizzativa**

**c/o Comune di Padria - Piazza del Comune 1 - 07015 PADRIA**

**Info: Tel: 079- 807018**